

КОНЪЮНКТУРАЛЫҚ ШОЛУ

Экономиканың нақты секторындағы кәсіпорындарға
жүргізілген пікіртерім нәтижесі

2024 жылғы III тоқсан




Қазақстан Республикасы Ұлттық Банкінің
Ақша-кредит саясаты департаменті

МАЗМҰНЫ

- I. Мониторингке қатысушылар құрамының динамикасы (3-бет)
- II. Дайын өнімге сұраныс динамикасы (4-бет)
- III. Нақты секторда бағаның өзгеруі (5-бет)
- IV. Өндіріс көлемі (6-бет)
- V. Баланс құрылымы: активтер (7-бет)
- VI. Баланс құрылымы: пассивтер (8-бет)
- VII. Инвестициялық белсенділік (9-бет)
- VIII. Айналым құралдарын қаржыландыру көздері (10-бет)
- IX. Бизнесті жүргізудегі кедергілер (11-бет)
- X. Қаржы-экономикалық көрсеткіштердің өзгеруі (12-бет)
- XI. Геосаясаттың әсері мен салдары (13-бет)
- XII. Кәсіпорындардың қаржылық жағдайын бағалау (14-15 бет)
- XIII. Банк жүйесінің экономиканың нақты секторына әсері (16-18 бет)
- XIV. Кәсіпорындардың сыртқы экономикалық қызметі (19-бет)
- XV. Валюта бағамы өзгерісінің әсері (20-бет)
- XVI. Композиттік озыңқы индикатор (21-бет)
- XVII. Әдіснамалық түсініктеме (22-бет)


МОНИТОРИНГКЕ ҚАТЫСУШЫЛАР ҚҰРАМЫНЫҢ ДИНАМИКАСЫ

2024 жылғы 3-тоқсанда іріктеменің өңірлік құрамы




2024 жылғы 3-тоқсанда респонденттер саны өткен тоқсанмен салыстырғанда 37 кәсіпорынға ұлғайып, **3438** болды.

Мониторингке қатысушылардың өлшем құрамы





Мониторингке қатысушылардың салалық құрамы



ДАЙЫН ӨНІМГЕ СҰРАНЫС ДИНАМИКАСЫ

Дайын өнімге сұраныс, ДИ*

	2021				2022				2023				2024			
	I-кв.	II-кв.	III-кв.	IV-кв.												
Кәсіпорын дәрдың жауабы, %																
Ұлғаюы	16,4	24,1	24,2	24,4	17,4	24,2	25,8	24,0	17,0	22,5	21,6	20,2	14,1	21,1	21,6	15,9
Өзгеріссіз	51,5	53,1	55,7	55,1	53,7	54,5	54,6	53,7	54,5	55,7	57,3	56,4	58,8	58,9	59,5	44,7
Төмендеуі	28,5	19,1	16,4	17,3	25,4	17,8	15,9	18,2	23,9	17,5	17,0	19,2	22,7	15,9	15,2	10,3
Білмеймін	3,6	3,7	3,8	3,2	3,5	3,5	3,7	4,1	4,6	4,3	4,1	4,2	4,3	4,2	3,8	29,1
Диффузиялық индекс = 1-жол+0,5*(2-жол+4-жол)	43,9	52,5	53,9	53,6	46,0	53,2	54,9	52,9	46,5	52,5	52,3	50,5	45,7	52,6	53,2	52,8
ДИ, маусымдық өзгерістерден тазартылған*	50,2	50,6	51,0	52,0	52,2	51,5	52,2	51,3	52,6	51,0	49,8	49,4	51,1	51,1	50,7	51,7



2024 жылғы 3-тоқсанда дайын өнімге сұраныс өсу жағында қалды. Диффузиялық индекс (бұдан әрі – ДИ) **50,7** болды. Көрсеткіштің жеделдеуі қызмет көрсету секторында (ДИ – 51,6), қызмет көрсету секторында (ДИ – 49,7) шамалы баяулау байқалды.


Кәсіпорындардың күтулері бойынша 2024 жылғы 4-тоқсанда нақты секторда дайын өнім мен қызмет көрсетуге сұраныстың өсу қарқыны жеделдейді (ДИ = **51,7**).

* ДИ 50 деңгейінен қанша жоғары (төмен) болса, көрсеткіштің өсу (құлдырау) қарқыны сонша жоғары (төмен), 50 деңгейі өзгерістің жоқ екендігін білдіреді;


** Графиктерде кәсіпорындардың 2024 жылғы 4-тоқсанда параметрдің өзгеруі бойынша күтулері келтірілген.

НАҚТЫ СЕКТОРДА БАҒАНЫҢ ӨЗГЕРУІ


Дайын өнімнің бағасы, ДИ*



Шикізат пен материалдар бағасы, ДИ*



Баға белгілеу факторларының маңыздылығын бағалау, жауаптар %-бен



2024 жылғы 3-тоқсанда кәсіпорындардың дайын өнімінің, сондай-ақ шикізат пен материалдардың бағасы өсуінің қарқыны жалпы экономика бойынша баяулады (ДИ тиісінше 56,9 және 68,9 болды).


Кәсіпорындардың басым көпшілігі үшін дайын өнімге баға белгілеу кезінде шикізат пен материалдар бағасы (кәсіпорындардың 79,6%-ы үшін) және сұраныс (78,8%) әлдеқайда маңызды фактор болып саналады.

2024 жылғы 4-тоқсанда кәсіпорындар дайын өнімнің (ДИ = 55,7) және шикізат пен материалдардың бағасы (ДИ = 63,6) өсуінің қарқыны баяулайды деп күтуде.

ӨНДІРІС КӨЛЕМІ

Өндірістік қуат жүктемесі

(кәсіпорындар үлесі, %)




2024 жылғы 3-тоқсанда кәсіпорындардың өндірістік қуатының жүктемесі (ӨҚЖ) 2024 жылғы 2-тоқсанның деңгейінен жоғары қалыптасты. ӨҚЖ орташа алынған* деңгейі **52,1%-ды** құрап, нормадан төмен тұр. **Соңғы 5 жылда орташа алынған ӨҚЖ деңгейі 53,3% болды.**

2024 жылғы 3-тоқсанда дайын өнімді (жұмыс, қызмет) өндіру көлемі шамалы өскені байқалды. ДИ **51,1** болды.

2024 жылғы 4-тоқсанда кәсіпорындар өндіріс көлемі өседі деп күтуде. Күтулер бойынша ДИ **53,8** болды.

Өндіріс көлеміндегі өзгерістің ДИ**




*Орташа арифметикалық мөлшерлеу – бұл кәсіпорындар үлесі бойынша мөлшерленген аралықтың орташа мәні.

** ДИ 50 деңгейінен қанша жоғары (төмен) болса, көрсеткіштің өсу (құлдырау) қарқыны сонша жоғары (төмен), ДИ=50 деңгейі өзгерістің жоқ екендігін көрсетеді


***Диаграммада берілген ӨҚЖ және «ДИ өндіріс көлемінің өзгеруі» маусымдық факторды қоспай ұсынылды

БАЛАНС ҚҰРЫЛЫМЫ: АКТИВТЕР


Активтер құрылымы



Қысқа мерзімді активтер құрылымы



Активтер айналымдылығының көрсеткіші



2024 жылғы 3-тоқсанда экономиканың нақты секторы компаниялары активінің құрылымында қысқа мерзімді және ұзақ мерзімді активтердің үлесі аздап өзгеріп, **34,6%** және **65,4%** болды (2024 жылғы 2-тоқсанда – тиісінше 34,1% және 65,9%). Активтердің айналымдылығы* **16,5%**-ға дейін өсті, айналым қаражатының айналымдылығы** – **47,5%-ға** дейін төмендеді.


Қысқамерзімді активтердің құрылымында өткен тоқсанда дебиторлық берешектің үлесі **40,4%-ға** дейін ұлғайды (2024 жылғы 2-тоқсанда – 39,4%), ал қорлардың үлесі 20,5% деңгейіне дейін шамалы төмендеді (2024 жылғы 2-тоқсанда 21,3%).

* Активтер айналымдылығы= Өнімді сатудан кіріс/ Активтер*100


** Айналым қаражатының айналымдылығы= Өнімді сатудан кіріс/ қысқамерзімді активтер*100

БАЛАНС ҚҰРЫЛЫМЫ: ПАССИВТЕР


Пассивтер құрылымы




Ұзақмерзімді міндеттемелер құрылымы



Қысқамерзімді міндеттемелер құрылымы



Мерзімі өткен берешегі бар кәсіпорындардың үлесі




2024 жылғы 3-тоқсанда пассивтер құрылымында қысқамерзімді міндеттемелер үлесінің **25,2%**-ға дейін өскені байқалады, ұзақмерзімді міндеттемелер үлесі өзгерген жоқ (**26,7%**), меншікті капитал **48,1%**-ға дейін төмендеді. Қысқамерзімді міндеттемелер құрылымында қысқамерзімді кредиторлық берешектің үлесі 2024 жылғы 2-тоқсандағы 45,7%-дан 2024 жылғы 3-тоқсанда 53,9%-ға дейін жоғарылады.

Теңгерімінде мерзімі өткен дебиторлық берешегі бар кәсіпорындардың үлесі **23,5%**-ға дейін, кредиторлық берешегі бар кәсіпорындардың үлесі 20,1%-ға дейін өсті. Бұл ретте банктердің қарызы бойынша мерзімі өткен берешегі бар кәсіпорындардың үлесі **5,2%** деңгейіне дейін төмендеді.

ИНВЕСТИЦИЯЛЫҚ БЕЛСЕНДІЛІК

Негізгі қаражатты қаржыландыру көздері




Бұрынғыдай, кәсіпорындардың көпшілігі негізгі және айналым қаражатын қаржыландыру үшін меншікті қаражатын (тиісінше 72,5% және 92,2%) пайдаланады.

Бұл ретте, банктердің қарыздары есебінен негізгі және айналым қаражатын қаржыландыратын кәсіпорындар үлесі (тиісінше 7,8% және 17,8% дейін) ұлғайды.


Негізгі және айналым қаражатын қаржыландырмайтын кәсіпорындардың үлесі тиісінше 36,8%-ға дейін және 20,7%-ға дейін ұлғайды.

Айналым қаражатын қаржыландыру көздері



АЙНАЛЫМ ҚАРАЖАТЫН ҚАРЖЫЛАНДЫРУ КӨЗДЕРІ

Айналым қаражатын қаржыландыру көздері



Айналым қаражатын қаржыландыру үшін кәсіпорындардың көпшілігі (**92,1%**) меншікті қаражатын пайдаланды, оның **48,4%-ы** пайданы және **43,7%-ы** акционерлердің/қатысушылардың меншікті қаражатын құрады. Осы мақсаттағы қарыздарды кәсіпорындардың **17,8%-ы** пайдаланды (оның 8,4%-ы бұрын ашылған кредит желісі бойынша траншты, 9,4%-ы банктердегі және микроқаржылық қызметті жүзеге асыратын ұйымдардағы қарыздарды пайдаланды).

Графикте көрсетілгеннен басқа өзге қаржыландыру көздері арасында кәсіпорындар сатып алушылардан аванстарды, қаржылай көмекті, топ ішіндегі (негізгі компания мен филиалдар арасындағы) қарыздарды және субсидияларды көрсетеді.

БИЗНЕСТІ ЖҮРГІЗУДЕГІ КЕДЕРГІЛЕР

Кедергілерді атаған кәсіпорындардың үлесі



2024 жылғы 3-тоқсандағы пікіртерімдердің нәтижесі бойынша кәсіпорындардың 29,4%-ы үшін нарықтық бәсекелестік бизнесті жүргізуге кедергі болып табылады (2024 жылғы 2-тоқсанда мұндай кәсіпорындардың үлесі 29,6% болды). Пікіртерімге қатысқан респонденттердің 20%-ның (2024 жылғы 2-тоқсанда – 22,6%) пікірінше Қазақстандағы экономикалық жағдай 2024 жылғы 3-тоқсанда нашарлады, ал респонденттердің 74,9%-ы экономикалық жағдай өзгермеген деп санайды.

Нарықтық бәсекелестік пен экономика жағдайынан басқа кәсіпорындар үшін салық ауыртпалығының деңгейі (28,5%), білікті кадрлардың жетіспеушілігі (26,8%), сатып алушыларды іздеу (24,5%), лицензиялар/рұқсатнамалар алу қиындығы (17,0%), дебиторлық берешекті қайтару қиындығы (14,2%), және **маңыздылығы бойынша 9-орында тұрған қаржыландыруға қол жеткізу (13,8%) сияқты факторлар маңызды болып табылады.**


Кәсіпорындар басқа кедергілер ретінде табиғи апаттарды, қарыз бойынша жоғары пайыздық мөлшерлемелерді, Ресей Федерациясына қатысты санкцияларды, әлемдегі геосаяси ахуалды көрсетті.

ҚАРЖЫЛЫҚ-ЭКОНОМИКАЛЫҚ КӨРСЕТКІШТЕРДІҢ ӨЗГЕРУІ


2024 жылғы 3-тоқсанда тау-кен өндіру өнеркәсібіндегі кәсіпорындардың орташа* сату рентабельділігі** өсіп, 43,4% болды. Өңдеу өнеркәсібіндегі көрсеткіш 24,3% болды. Жалпы экономика бойынша орташа сату рентабельділігі – **24,4%**.

Жылды пайдамен жабуды жоспарлап отырған кәсіпорындардың үлесі **46,3%** (2024 жылғы 2-тоқсанда – 45,6%) болды, кәсіпорындардың **10,6%-ы** жыл шығынмен аяқталады деп есептейді. Бұл ретте пікіртерімге қатысқан кәсіпорындардың **12,6%-ы** жылды теңгерімді бюджетпен (пайдасыз және зиянсыз) жабуды ойлайды, қалған **30,5%-ы** кәсіпорынның жыл соңындағы қаржылық жағдайына баға бере алмады.

Сату рентабельділігі*, %-бен



Қаржы жылын пайдамен/зиянмен жабуды жоспарлап отырған кәсіпорындардың үлесі, %



* Орташа медианалық мәндер берілген, себебі орташа арифметикалық мәндерге қарағанда оларға экстремалды шығарындылардың әсері аз болады

** Пайыздарды, салықтарды және амортизацияны төлеу бойынша шығыс шегерілгенге дейінгі сату рентабельділігі көрсетілген


Геосаяси ахуалдың және РФ-ға қарсы енгізілген санкциялардың кәсіпорындар қызметіне әсері, %-бен



2024 жылғы 3-тоқсанда геосаяси ахуал мен РФ-ға қатысты енгізілген санкциялар кәсіпорындардың қызметіне 41,3% (2024 жылғы 2-тоқсанда – 41,4%) теріс әсер етті, кәсіпорындардың 7,7%-ы қатты зардап шекті. Кәсіпорындардың 54,3%-на геосаясат ешқандай әсер еткен жоқ, ал респонденттердің 4,4%-ы оң әсерін атап көрсетті.

2024 жылғы 3-тоқсанда, Қазақстан теңгесінің басқа валюталарға қатысты тым әлсіз екенін көрсеткен кәсіпорындар саны азайды. Ақша аударымдарын жүзеге асыруда қиындықтарға тап болған, логистика мәселесін көрсеткен және бизнес үшін жаңа мүмкіндіктерді көрсеткен кәсіпорындардың саны артты.

Геосаяси ахуалдың кәсіпорындар қызметіне әсер ету салдары, %-бен




КӘСІПОРЫНДАРДЫҢ ҚАРЖЫЛЫҚ ЖАҒДАЙЫН БАҒАЛАУ

Кәсіпорындардың қаржылық жағдайының өзгеру динамикасы*, үлесі %-бен




2024 жылғы 3-тоқсанда кәсіпорындарды көлемі бойынша, сенімділік дәрежесі бойынша бөлу, үлесі %-бен


Ірі кәсіпорындар



Орта кәсіпорындар



Кіші кәсіпорындар




Кәсіпорындардың қаржылық коэффициенттерін бағалауға негізделген дискриминанттық талдау нәтижелері бойынша 2024 жылғы 3-тоқсанда орнықты кәсіпорындардың үлесі **14,7%**-ға дейін азайды, қаржылық жағдайы күрделі кәсіпорындардың үлесі **30,0%**-ды құрап, аздап өсті.

Егер көлемі жағынан қарайтын болсақ, шағын кәсіпорындар арасында қаржылық жағдайы күрделі кәсіпорындардың үлесі ірі (21,9%) және орта кәсіпорындармен (24,6%) салыстырғанда айтарлықтай көп (**36,9%**).

* Респондент кәсіпорындар дискриминанттық талдау нәтижелері бойынша қаржылық көрсеткіштерінің мәндеріне қарай сенімділік дәрежесі бойынша бөлінді. 22-слайдтағы әдістемелік түсіндірмені қараңыз.

КӘСІПОРЫНДАРДЫҢ ҚАРЖЫЛЫҚ ЖАҒДАЙЫН БАҒАЛАУ

2024 жылғы 3-тоқсанда кәсіпорындарды қызмет түрлері бойынша сенімділік дәрежесі бойынша бөлу*, үлесі %-бен



2024 жылғы 3-тоқсанда барлық салада кәсіпорындардың басым көпшілігінің қаржылық жағдайы орнықты немесе қалыпты болды. «Кәсіптік, ғылыми және техникалық қызмет» саласындағы тұрақты кәсіпорындардың үлесі басқа салаларға қарағанда көбірек (**28,5%**), ал сауда мен ауыл шаруашылығында қаржылық жағдайы ауыр кәсіпорындардың үлесі басқаларға қарағанда көбірек (тиісінше **39,2% және 37,4%**). Сүмен жабдықтау ең тұрақты сала болып шықты, онда қалыпты қаржылық жағдайы бар кәсіпорындардың үлесі **85,2%-ды** құрады.


БАНК ЖҮЙЕСІНІҢ НАҚТЫ СЕКТОРҒА ЫҚПАЛЫ

Кредитке сұраныс

Банктердің кәсіпорындардың кредит алуға берген өтініштерін қарауы



Кредит алуға өтініш берген, бірақ алмаған кәсіпорындар, үлесі %-бен




2024 жылғы 3-тоқсанда кредит алуға өтініш берген кәсіпорындардың үлесі 2024 жылғы 2-тоқсанмен салыстырғанда азайды, пікіртерімге қатысқан кәсіпорындардың **19,1%-ы** кредит алу үшін банкке жүгінді (2024 жылғы 2-тоқсанда 19,5%), кәсіпорындардың 18,1%-ы кредит алды (немесе кредит алуға өтініш бергендердің 94,8%-ы). Кредит беруден бас тарту үлесі пікіртерімге қатысушылардың жалпы санынан 1,0%-ды (кредит алу үшін өтініш бергендер санынан 5,2%-ды) құрады.

БАНК ЖҮЙЕСІНІҢ НАҚТЫ СЕКТОРҒА ЫҚПАЛЫ

Кәсіпорындарды бағалау бойынша борыштық жүктеме*, %-бен

Борыштық жүктеме*	1%-20%	21%-30%	31%-40%	41%-50%	51%-60%	61%-70%	71%-80%	81%-дан жоғары	борыш жоқ
Кәсіпорындар үлесі, %	18,0	9,8	6,2	5,3	3,7	1,4	1,0	1,8	52,8

Орташа өлшемді кредит жүктемесі, %



Өткен тоқсанда қарыз тарту мақсаты, %-бен



2024 жылғы 3-тоқсанда пікіртерімге қатысқан кәсіпорындардың 52,8%-ында **борыш жоқ**. Кәсіпорындардың көпшілігінде (18,0%) борыштық жүктемесі* 20% шегінде. Борыштық жүктеменің арифметикалық орташа өлшемді** мәні **14,1%-ды** құрайды.


Кәсіпорындардың басым көпшілігі (**80%**) айналым қаражатын қаржыландыру үшін (материалдарды, шикізатты, жартылай фабрикаттарды және т.б. сатып алу), 12,1%-ы – негізгі құрал-жабдықтарды сатып алу үшін (ғимараттарды, құрылыстарды, көлік құралдарын, жабдықтарды сатып алу және т.б.) кредит алды. Қайта қаржыландыру мақсатына кәсіпорындардың 3,2%-ы, бизнесті кеңейтуге 0,9%-ы қарыз алды.

*Ай сайынғы төлем / Өнімді өткізуден түскен кіріс


** Арифметикалық орташа өлшемді – бұл кәсіпорындардың үлесі бойынша өлшемді аралықтың орташа мәні.

БАНК ЖҮЙЕСІНІҢ НАҚТЫ СЕКТОРҒА ЫҚПАЛЫ


Баға шарттары




Баға емес шарттар



Теңгемен берілетін кредиттер бойынша мерзімдер мен мөлшерлемелер



Шетел валютасымен берілетін кредиттер бойынша мерзімдер мен мөлшерлемелер




2024 жылғы 3-тоқсанда кәсіпорындарды кредиттеудің баға (кредит бойынша мөлшерлемелер деңгейі, қосымша комиссиялар мөлшері) және баға емес (кредиттің ең жоғары мөлшері мен мерзімі, қарыз алушының қаржылық жағдайына қойылатын талаптар, қамтамасыз етуге қойылатын талаптар) шарттары бойынша бағалау біршама жақсарды, бірақ әлі де теріс аймақта қалып отыр.

Мониторингке қатысушылар алған кредиттер бойынша орташа пайыздық мөлшерлемелер теңгемен 17,2%-ды және шетел валютасымен 5,3%-ды құрады (өткен тоқсанда тиісінше 17,2% және 6,2%). Кәсіпорындардың пікірі бойынша, олар үшін теңгемен берілетін кредиттер бойынша қолайлы пайыздық мөлшерлеме 7,1%-ды, ал шетел валютасымен берілетін кредиттер бойынша – 3,2%-ды құрайды.

КӘСІПОРЫНДАРДЫҢ СЫРТҚЫ ЭКОНОМИКАЛЫҚ ҚЫЗМЕТІ (СЭҚ)


Өткен тоқсанда СЭҚ жүзеге асыру, кәсіпорындар үлесі %-бен



Есеп айырысуда валютаны пайдалану, кәсіпорындар үлесі %-бен



Қызмет түрі бойынша СЭҚ жүзеге асыру, кәсіпорындар үлесі %-бен




2024 жылғы 3-тоқсанда респонденттердің **26,2%-ы** өз қызметін жүзеге асыру үшін өнімдерді импорттады, **6,2%-ы** экспорттады, **12,6%-ы** өнімдерді экспорттады және импорттады, ал басым көпшілігі (**55,1%**) сыртқы экономикалық қызметті жүзеге асырмады. Экспорттаушы кәсіпорындардың ең көп үлесі тау-кен өндіру өнеркәсібіне (**23,2%**), импорттаушылар – саудаға (**43,0%**) тиесілі. СЭҚ жүзеге асырған кәсіпорындардың ең көп үлесі өңдеу өнеркәсібінде.

Шетелдік әріптестермен есеп айырысуда экспорттаушылар АҚШ долларын (**экспорттаушылардың 73,6%-ы**) жиі пайдаланады, импорттаушылар Ресей рублін (**импорттаушылардың 79,1%-ы**) көбірек пайдаланады. Есеп айырысуда пайдаланылатын басқа валюта ретінде кәсіпорындар еуроны, британдық фунт стерлингін, швейцариялық франкті, қырғыз сомын және түрік лирасын көрсетті.

ВАЛЮТА БАҒАМЫНДАҒЫ ӨЗГЕРІСТІҢ ЫҚПАЛЫ

Валюта бағамындағы өзгеріс әсерінің динамикасы, ӨД*



Айырбастау бағамының 2024 жылғы 3-тоқсанда экспорттаушылардың шаруашылық қызметіне әсері




Айырбастау бағамының 2024 жылғы 3-тоқсанда экспорттаушылардың шаруашылық қызметіне әсері



2024 жылғы 3-тоқсанда кәсіпорындардың шаруашылық қызметіне АҚШ долларының бағамы өзгеруінің кері әсері азайды. Экспорттаушы кәсіпорындарға теңгенің АҚШ долларына және рубльге бағамының өзгеруі ең көп әсер етті. Кәсіпорындар өзінің шаруашылық қызметіне ең аз кері әсерін CNY/KZT және еуро бағамының өзгеруінен сезінеді.

* ӨД 50 деңгейінен қанша жоғары (төмен) болса, көрсеткіштің өсу (құлдырау) қарқыны сонша жоғары (төмен), ДӨ=50 деңгейі өзгерістің жоқ екендігін көрсетеді.

КОМПОЗИТТІК ОЗЫҒҚЫ ИНДИКАТОР*



2024 жылғы 3-тоқсанда нақты сектор кәсіпорындары пікіртерімінің біріктірілген бағалауын білдіретін композиттік озыңқы индикатордың (КОИ) динамикасы нақты секторда экономикалық белсенділіктің аздап жақсарғанын көрсетті. КОИ 100,3-ге дейін ұлғайды.

КОИ динамикасына кредиттік белсенділіктің өсуі, банктердің қарыздары бойынша мерзімі өткен берешегі және дебиторлық берешегі бар кәсіпорындардың үлесінің төмендеуі оң әсер етті, мұнай бағасының төмендеуі, қаржылық жағдайы ауыр кәсіпорындар үлесінің артуы аздап теріс әсер етті. Сонымен қатар экономиканың жай-күйі бизнесті дамытуға кедергі деп есептейтін кәсіпорындардың үлесі төмендеді. 2024 жылғы 4-тоқсанда құрылыспен және жылжымайтын мүлікпен жасалатын операцияларда өндірістік жүктеме мен сұраныс деңгейінің күтілетін төмендеуіне байланысты көрсеткіштің төмендеуі күтілуде (КОИ күтулер бойынша 99,9 болды).

* Композиттік озыңқы индикатор (КОИ) іскерлік циклдің кұрделі жерлерін анықтау үшін қолданылады және экономикалық белсенділік динамикасының жағдайы мен бағыты бойынша сапалы ақпарат береді. КОИ кәсіпорындардағы ағымдағы және күтілетін жағдайға қатысты пікіртерімге қатысқан кәсіпорындар басшылары пікірінің жалпылама бағалауын көрсетеді және нақты ЖІӨ динамикасын 1-2-тоқсанға бұрын бағалау қабілеті бар. КОИ құру ЭЫДҰ әдіснамасына негізделген («OECD System of Composite Leading Indicators, Methodology Guideline», OECD 2012).

** 2024 жылғы 4-тоқсанға арналған КОИ көрсеткіштері пікіртерімге қатысатын нақты сектор кәсіпорындарының күтулері негізінде есептеледі.

- Кестелер мен графиктерде көрсетілген диффузиялық индекс (ДИ) оң жауаптардың қосындысы мен бейтарап жауаптардың жартысы ретінде есептеледі. Бұл индекс қаралып отырған көрсеткіштің өзгеру динамикасын сипаттайтын жалпылама индикатор болып табылады. Егер оның мәні 50 деңгейден жоғары болса – бұл оң өзгерісті, ал 50 деңгейден төмен болса – теріс өзгерісті білдіреді. Диффузиялық индекстің мәні 50 деңгейінен қанша алыс (жоғары немесе төмен) болса, көрсеткіштің өзгеру (ұлғаюы немесе азаюы) қарқыны сонша жоғары болады.
- «Банктердің кредиттері бойынша қолайлы пайыздық мөлшерлеме» көрсеткіші мониторингке қатысушы кәсіпорындар өздері үшін өндірістің рентабельділігінің ағымдағы деңгейі тұрғысынан алғанда қолайлы ретінде көрсететін пайыздық мөлшерлемелердің орташасы ретінде есептеледі.
- Қаржылық коэффициенттердің көрсеткіштері жалпы алғанда пікіртерімге қатысқан кәсіпорындардың іріктемесі бойынша, сондай-ақ қажет болған кезде кәсіпорындардан алынатын тоқсан соңындағы баланс көрсеткіштерінің күтілетін мәндерінің негізінде салалар бойынша есептелген орташа мәндермен көрсетіледі. Осы бағалауларда, сондай-ақ оларға қарай орташа есептелетін бағалауларда мәндерінің абсолюттік дәлдігін алу мақсаты жоқ (себебі есептік болып табылмайды), олар экономиканың қаржылық емес секторының және оның салаларының жай-күйі өзгеру үрдістерін бағалау мен талдауды жедел алуға арналған.
- Дискриминанттық талдау кәсіпорынның қаржылық жай-күйінің барынша ақпараттық индикаторларын анықтауға және кәсіпорында дағдарыс жағдайы жақындап келе жатқанын анықтауға және осылайша, оларды сенімділік дәрежесі бойынша сыныптауға мүмкіндік береді. Кәсіпорындарды топтарға бөлу (тұрақты, қалыпты және күрделі) сыныптау функциялары арқылы жүзеге асырылады, оларда мына 3 қаржылық көрсеткіш қамтылады: бір қызметкерге шаққанда өнімді өткізуден түскен кірістің өсу қарқыны, қаржылық тәуелсіздік коэффициенті және меншікті капиталдың өсу қарқыны. Толығырақ мәлімет мына <https://www.nationalbank.kz/file/download/9013> экономикалық зерттеуде.
- Композиттік озыңқы индикатордың (КОИ) нақты ЖІӨ динамикасын 1-2-тоқсанға озыңқы бағалау қабілеті бар. КОИ-дің және нақты ЖІӨ-нің уақыт қатарларына (2005 жылғы бағалармен) маусымдық көрсеткіштер қосылмайды және үрдісі жоқ, яғни экономикалық конъюнктураның қысқамерзімді ауытқуларына негізделген циклдік құрамдас бөлікті ғана қамтиды. Салыстыру мақсатында циклдік құрауыштар стандартталған, яғни бір (мөлшерсіз) өлшем бірлігіне келтірілген.
КОИ жалпы экономиканың нақты секторы бойынша қысқамерзімді даму үрдістерін көрсетуге арналған. Оның мынадай қасиеттері бар: 1) озыңқы сипаты бар; 2) экономиканың нақты секторы дамуының циклдік сипаттамасын көрсетеді; 3) кәсіпорындардың жедел пікіртерімі негізінде қалыптасады.